

Оралман мәртебесін айқындау және оларды оралмандардың көшіп келу квотасына енгізу нұсқаулығын бекіту туралы

Күшін жойған

Қазақстан Республикасының Көші-қон және демография жөніндегі Агенттігі Төрағасының 2004 жылғы 17 тамыздағы N 70-ө бұйрығы. Қазақстан Республикасы Әділет министрлігінде 2004 жылғы 18 қыркүйекте тіркелді. Тіркеу N 3078. Күші жойылды - Қазақстан Республикасы Еңбек және халықты әлеуметтік қорғау министрлігінің 2007 жылғы 27 қыркүйектегі N 224-ө Бұйрығымен

Бұйрықтың күші жойылды - Қазақстан Республикасы Еңбек және халықты әлеуметтік қорғау министрлігінің 2007.09.27. N 224-ө Бұйрығымен.

"Халықтың көші-қоны туралы" Қазақстан Республикасының Заңына сәйкес, б ұ й ы р а м ы н :

1. Қоса беріліп отырған Оралман мәртебесін айқындау және оларды оралмандардың көшіп келу квотасына енгізу нұсқаулығы бекітілсін.

2. Осы бұйрық Қазақстан Республикасының Әділет министрлігінде мемлекеттік тіркеуден өткізілген күннен бастап күшіне енеді.

3. Қазақстан Республикасының Көші-қон және демография жөніндегі агенттігі төрағасы міндетін атқарушының "Оралман мәртебесін айқындау және оларды оралмандардың көшіп келу квотасына енгізу нұсқаулығын бекіту туралы " 2003 жылғы 08 тамыздағы N 60-Б бұйрығының күші жойылды деп танылсын.

4. Осы бұйрықтың орындалуын қадағалау Қазақстан Республикасының көші-қон және демография жөніндегі агенттігі төрағасының орынбасары Құртаев Әлімжан Сейітжанұлына жүктелсін.

Төраға

Қазақстан Республикасының
Көші-қон және демография
жөніндегі агенттігі төрағасының
"Оралман мәртебесін айқындау және
оларды оралмандардың көшіп келу
квотасына енгізу нұсқаулығын
бекіту туралы "
2004 жылғы 17 тамыздағы
N 70 - ө бұйрығымен
Бекітілген

**Оралман мәртебесін айқындау және оларды
оралмандардың көшіп келу квотасына енгізу
нұсқаулығы**

1. Жалпы ережелер

1. Осы Нұсқаулық "Халықтың көші-қоны туралы" Қазақстан Республикасының Заңына (бұдан әрі - Заң) сәйкес әзірленді және оралман мәртебесін айқындауды және оларды оралмандардың көшіп келу квотасына енгізуді көздейді.

2. Осы Нұсқаулықта мынадай ұғымдар мен терминдер пайдаланылады:

1) оралмандар - ұлты қазақ шетелдіктер немесе Қазақстан Республикасы егемендік алған кезде оның шегінен тыс жерде тұрақты тұрған және Қазақстанға тұрақты тұру мақсатымен келген азаматтығы жоқ адамдар;

2) оралмандардың көшіп келу квотасы - Қазақстан Республикасының аумағына қоныс аударуға жыл сайын жол берілетін, Заңға сәйкес жеңілдіктер мен өтем берілетін оралмандар отбасыларының саны;

3) аумақтық орган - Қазақстан Республикасының Көші-қон және демография жөніндегі агенттігінің оралмандар отбасыларын іріктеуді және оларды оралмандардың көшіп келу квотасына енгізуді жүзеге асыратын аумақтық органы (бұдан әрі - аумақтық орган);

4) халықтың көші-қоны мәселелері жөніндегі уәкілетті орган - халықтың көші-қоны саласындағы саясатты іске асырушы және жұмысты үйлестіруші орталық атқарушы орган (бұдан әрі - уәкілетті орган).

3. Осы Нұсқаулықтың күші ұлты қазақ шетелдіктер немесе Қазақстан Республикасы егемендік алған кезде оның шегінен тыс жерде тұрақты тұрған және мақсаты Қазақстан Республикасында тұрақты тұру болып табылатын азаматтығы жоқ адамдарға қолданылады. Бұл кезең 1991 жылғы 16 желтоқсан - Қазақстан Республикасының Тәуелсіздік күні деп белгіленсін.

**2. Оралман мәртебесін айқындау және оларды
оралмандардың көшіп келу квотасына енгізу
үшін қажетті құжаттар**

4. Оралман мәртебесін беру туралы өтініш беруші адамдар мына құжаттарды
табыс етеді:

1) оралман мәртебесін беру туралы өтініш;

2) қысқаша өмірбаян;

3) өтініш берушінің және онымен бірге қоныс аударған отбасы мүшелерінің жеке басын куәландыратын құжаттар (паспорттарының, жеке куәліктерінің, туу туралы куәліктерінің, аттестаттарының, дипломдарының, әскери билеттерінің көшірмесі).

5. Көшіп келу квотасына енгізу туралы өтініш беруші оралмандар әрбір күнтізбелік жылға мына құжаттарды табыс етеді:

- 1) көшіп келу квотасына енгізу туралы өтініш;
- 2) қысқаша өмірбаян;

3) өтініш берушінің және онымен бірге қоныс аударған отбасы мүшелерінің жеке басын куәландыратын құжаттар (паспорттарының, жеке куәліктерінің, туу туралы куәліктерінің, аттестаттарының, дипломдарының, әскери билеттерінің көшірмесі);

4) Қазақстандағы тұрғылықты жерінен отбасы құрамы туралы анықтама;

5) Үйінің бар немесе жоқ екендігі туралы анықтама.

3. Оралман мәртебесін айқындау және оларды оралмандардың көшіп келу квотасына енгізу шарттары

6. Оралман мәртебесін беру және өздерін оралмандардың көшіп келу квотасына енгізу туралы өтінішті отбасының кәмелеттік жасқа толған мүшелерінің бірі өз қолымен Қазақстан Республикасының шет елдердегі дипломатиялық өкілдіктеріне, консулдық мекемелеріне немесе тікелей уәкілетті органға тапсырады.

7. Оралмандардың отбасыларын көшіп келу квотасына енгізу тәртібі:

- 1) өтініш берушілердің құжаттарын мәліметтерінің дұрыстығын тексеру (бағалау) мақсатымен зерделеуді;
- 2) оралман мәртебесін беруді;
- 3) оралмандардың көшіп келу квотасына енгізуді көздейді.

8. Оралман мәртебесін беру және отбасын оралмандардың көшіп келу квотасына енгізу туралы өтінішті қарау, сондай-ақ осы мәселелер бойынша шешімді ол тіркелген күннен бастап екі ай ішінде уәкілетті органның аумақтық қызметтері қабылдайды (Қосымша NN 1, 2).

9. Оралман мәртебесін беру және көшіп келу квотасына енгізу туралы шешімді аумақтық органның басшысы құрған комиссия шешеді.

10. Адамның оралман мәртебесін беру туралы өтініші және оларды оралмандардың көшіп келу квотасына енгізу уәкілетті органда тіркелген күннен бастап кезектілік тәртібімен қаралады.

11. Оралман деп танылған және жыл сайынғы оралмандардың көшіп келу квотасына енгізілген адамдарға белгіленген үлгідегі куәлік беріледі және оралмандардың есеп карточкасы толтырылады (Қосымша N 3).

12. Адамды оралман деп танудан немесе көшіп келу квотасына енгізуден бас тартылған жағдайда шешім қабылданған күннен бастап бір ай мерзім ішінде өтініш берушіге шешімнің көшірмесі түрінде жазбаша хабарлама беріледі.

13. Аумақтық қызметтердің шешіміне Қазақстан Республикасының заңдарында белгіленген тәртіппен жоғары тұрған уәкілетті органға немесе сотқа шағымдануға болады.

14. Оралман мәртебесін беру және отбасын оралмандардың көшіп келу квотасына енгізу туралы аумақтық қызметтердің шешімдерін, сонымен қатар оралмандардың арыз шағымдарымен талап-тілектерін қарау үшін уәкілетті органның басшысымен комиссия құрылады.

Қазақстан Республикасының
Көші-қон және демография
жөніндегі Агенттігі төрағасының

2004 жылғы 17 тамыздағы

№ 70 - ө бекітілген

Оралман мәртебесін айқындау
және оларды оралмандардың
көшіп келу квотасына енгізу

нұсқаулығына

№1 Қосымша

**Көші-қон және демография жөніндегі басқарманың
Шешімі**

№ _____ 200 ж. "___" _____

Көші-қон және демография жөніндегі басқарма "Халықтың көші-қоны туралы" Қазақстан Республикасының Заңына сәйкес оралман деп тану туралы _____

_____ өтінішін қарап,
Шешім қабылдады: _____

Ескерту: Оралман деп танудан бас тартылған жағдайда шешімге, "Халықтың көші-қоны туралы" Қазақстан Республикасының Заңына

сәйкес, шешім алынған күннен бастап 30 күн ішінде жоғары тұрған уәкілетті органға немесе сот тәртібімен шағымдануға болады.

Бастық _____ М. О
Қазақстан Республикасының
Көші-қон және демография
жөніндегі Агенттігі төрағасының
2004 жылғы 17 тамыздағы
N 70 - ө бекітілген
Оралман мәртебесін айқындау
және оларды оралмандардың
көшіп келу квотасына енгізу
нұсқаулығына

N 2 Қосымша

**Көші-қон және демография жөніндегі басқарманың
Шешімі**

N _____ 200 ж. "___" _____

Көші-қон және демография жөніндегі басқарма "Халықтың көші-қоны туралы" Қазақстан Республикасының Заңына сәйкес көшіп келу квотасына енгізу туралы _____

_____ өтінішін қарап,
Шешім қабылдады: _____

Ескерту: Оралмандардың көшіп келу квотасына оралманды енгізуден бас тартылған жағдайда шешімге, "Халықтың көші-қоны туралы" Қазақстан Республикасының Заңына сәйкес, шешім алынған күннен бастап 30 күн ішінде жоғары тұрған уәкілетті органға немесе сот тәртібімен шағымдануға болады.

Бастық _____ М. О
Қазақстан Республикасының
Көші-қон және демография

жөніндегі Агенттігі төрағасының
2004 жылғы 17 тамыздағы
N 70 - ө бекітілген
Оралман мәртебесін айқындау
және оларды оралмандардың
көшіп келу квотасына енгізу
нұсқаулығына
N 3 Қосымша

Қазақстан Республикасының Туған жері: Өзбекстан Республикасы

көші-қон және демография
жөніндегі Азаматтығы: Өзбекстан Республикасы

А Г Е Н Т Т І Г І

Тұрғылықты жері: Астана қаласы

ОРАЛМАН КУӘЛІГІ N 0000

Қолданыс мерзімі: 1 жыл

Ф о т о

Тегі: Бургумбаев

Куәлік берген мекеме: Астана қаласы
көші-қон және демография басқармасы

А т ы : Б у р г у м б а й

М.П.

Басқарма бастығы _____

Ә к е с і н і ң

(қ о л ы)

аты: Бургумбаевич

Туған күні, айы, жылы 01.01.0001 Берілген күні: 01.01.0001